

HITZ BITAN

DATU PERTSONALEN FITXATEGIA

Hiritarren eskubideak bermatzeko eskatu dio EGBk Eusko Jaurlaritzari

Erredakzioa | DONOSTIA

Euskadiko Ekonomia eta Gizarte Arazoetako Batzordeak (EGB) titularitate publikoko datu pertsonalen fitxategiak arautzen dituen lege aurreproiektuan, «hiritarren eskubideen bermatzeko» eskatu dio Eusko Jaurlaritzari.

Lege aurreproiektuan, Datuak Babesteko Espainiako 15/99 Lege Organikoan ezarritako araudia osatu eta Datuak Babesteko Euskal Agentzia sortu du Jaurlaritzak.

Euskadiko EGBren aburuz, «pertsonen eskubideen berme handiagoak behar dira, bereziki, datuak herri Administrazio batek hartzen dituenean». Halaber, herritarren datuak lortzeko baimenik behar ez izatea, eta herritarrari horren berri ez ematea «harrigarria» dela dio. Horregatik, aurreproiektuak admi-

nistrazioari datu pertsonalen babesaren esparruan, «nahieran jarduteko ahalmena» ematen diola gaineratu du.

Bestalde, Datuak Babesteko Euskal Agentziaren (DBEA) eraketari dagokionez, EGBk zailtzen du zuzendariaren independentzia funtzionala. Horrekin batera, agentziaren eraketan gabeziak daudela salatu du EGBk.

Azkenik, EGBk interes orokorreko lege baten beharra dagoela dio. Izan ere, informatika erabiltzeak gaur egun pertsona fisikoek gainera datu mordoa tratatzeko aukera ematen baitu. Pertsonen intimitatearen alorrean egin daitezkeen erabilera okerre aurre egiteko, «lege antolamenduek prest egon behar dute, jarduerak teknologiaren garapenaren eta herritarren eskubideen arteko oreka bermatu dezaten».

EZBEHARRA

Sutan zegoen auto baten barruan gizon baten gorpua aurkitu dute Jaizkibelen

Ezezagun batek aparkatuta zegoen eta erretzen ari zen auto bat topatu zuen, atzo, arratsaldeko laurak aldera Jaizkibel mendian, Pasaian (Gipuzkoan). Auto barruan gizon baten gorpua aurkitu zuten, Ertzaintzak jakinarazi zuenez. Autoa BMW M3-a zen, matrikula berriarekin. Ezezagunak autoa erretzen ikusi zuenean Ertzaintzari deitu zion. Ertzaintza etorri bezain laister auto barruan gizon bat hilda zegoela ohartu zen. Ez zen hildakoaren izenik jakitera eman. Epailak gorpua altxatzeko agindua eman zuenean, auzitegiko medikuarengana eraman zuten autopsia egin ziezaioten.

URTEGIAK

Euriteen ondorioz, iaz baino beteagoak daude Nafarroako urtegiak

Azken egunetako euriteei esker, 4,5 hektometro kubiko baino gehiago dituzten Nafarroako urtegiak egoera hobean daude, iazko datuekin alderatuz gero. Esako urtegia %59 zegoen bete-ta abenduaren 5ean, eta iaz, %21. Irabiako urtegia, berriz, %93 dago beteta, eta iaz %36an. Eugiko urtegia %90ean dago orain, eta Allotzekoa %23an. Ebroko arroan pilatutako urak ere gora egin du, 4.484 hektometro kubiko daude aurten, kapazitate osoaren %68,9. Eta 2001ean, 3.887 hektometro kubiko zeuden, hau da, %59.

INTSUMISIOA

EUDIMAK Lezoko alkate ohiaren aurka egindako epaiketa gaitzetsi du

Mikel Arrizabalaga Pikabea Lezoko alkate ohiaren aurka atzo egin zen epaiketa gaitzetsi du Euskal Herriko Udal Intsumituen Mankomunitateak (EUDIMA). Mikel Arrizabalaga alkate zela, soldaduska egiteko kondiziotan zeuden lezoarren zerrendak Espainiako Armadari ez bidaltzeagatik epaitu zuten atzo Donostiako Probintzi Auzitegian. EUDIMAK Arrizabalagarekin bat egin du. Elkartearen arabera, «epaiketa hauek guztiak logika juridikorik gabekoak dira; ez du inolako zentzurik dagoeneko bete behar ez den egitate batengatik epaitzeak».



JOXE LACALLE

Elurrari aurre egiteko hainbat baliabide erabiliiko ditu Gobernuak.

ERREPIDEAK

Errepideetako neguko plana abiatu du Nafarroako Gobernuak

Nafarroako Gobernuak martxan jarri du errepideetako neguko plana. 203 lagun, elurra kentzeko 57 makina, eta 70 sorospen taldek hartuko dute parte aipatu planean. Nafarroako errepideetako zerbitzuek Gipuzkoa eta Arabakoekin batera lan egingo dute. Aurtengo kanpaina, martxoan errepideak kontrolatzeko zabaldu zen

zentro berritik koordinatuko da. Planaren helburu nagusietariko bat elurrari aurre egitea da, horregatik, prebentzio lanei garrantzia emango diete. Bestalde, gidariei errepideen egoerari buruz informazioa emateko kartelak jarriko dira. Horretaz gain, telefono bat eta web orri bat izango dira gidarien zerbitzura.

TURISMOA

Euskal Turismoaren sariak banatuko ditu Eusko Jaurlaritzak ostiralean

Eusko Jaurlaritzako Turismo sailburu Josu Jon Imazek 2002ko Euskal Turismoaren sariak banatuko ditu ostiralean Biasteriko Hotel Villan. Aurten Artxandako Ostalaritzako Eskolari, Gasteizko El Portalon jate-txeari eta Urola Garaia bailarako Lenbur Fundazioari egokitu zaie sariak. Lenbur Fundazioa Urola bailarako ondasuna zaintzeaz eta zabaltzeaz arduratzen da. Era berean, aipamen berezia eskainiko diote Ana Maria Esnal Zarauzko Turismo Bulegoko teknikariari, egindako lanagatik.

HIZKUNTZA

Internet bidezko ingeles ikastaroak emango ditu Nafarroako Hizkuntza Eskolak

Interneten bidez ingeles ikastaroak eskaintzeko hitzarmena sinatu dute Nafarroako Gobernuak eta Hizkuntzen Autoikaske-tako Nafarroako Zentroak. Ikastaroak urtarrilaren 7an hasiko dira, eta ingeles azterketetara aurkeztu nahi duten Hizkuntza Eskola Ofizialeko, That's English-eko edo EOIDNA Urrutiko Eskola Ofizialeko bigarren, hirugarren eta bosgarren mailako ikasleei zuzenduta dago. Guztira 150 plaza daude.

IRAKASKUNTZA

Bizkaiko Ikastolen Elkarteak 'Kili-Kili' aldizkaria argitaratzeari utziko dio

Bizkaiko Ikastolen elkarteak duela urte bi *Kili-Kili* aldizkaria kaleratzeko hartu zuen konpromisoa eteten duela jakinarazi du. Hala, datozen asteetan kaleratuko den abenduko alearekin amaitutzat emango du argitalpenaren kudeaketan izan duen erantzukizuna. Hilabetekariaren ardura duela bi urte hartu zuen bere gain BIEk. Proiektu horren helburua haur eta gaztetxoei euren iritziak eta kezak azaltzeko beste euskarri bat ematea zela azaldu du Bizkaiko Ikastolen Elkarteak. Horrekin batera, Bizkaiko Ikastolen Elkarteak (BIE) *Kili-kili* gazteen hilabetekari-ko azken alean agertu diren bertso eta gutunetako iritziak ez dituela bere gain hartzen esan du, «ikastolen proiektutik at daudelako». Hori dela eta, barkamenak eskatu dizkio minduta sentitu diren lagunei.

JUAN MARI LEKUONARI OMENALDIA



EGAN
euskal literatur aldizkariaren
AURKEZPENA

Non: Oñartzunen, Udaleko Kultur aretoan
Noiz: Abenduak 13, ilunabarreko 8etan

SARRERA

- Joxe Mari Urkia: EAEko lehendakaria
- EGAN aldizkariaren aurkezpena
- Luis M^o Mujika: EGAN aldizkaria.

MAHAI-INGURUA

- Aurkezlea: Jose Luis Padron: Poeta eta idazlea
- Parte-hartzaileak:
- Patxi Ezkiaga: Poeta idazlea eta saiolaria
- * Xabier Lete: Gaia: Juanmari Lekuona, jakituria herikoiaren adierazpen kultoa
- Mirari Garcia: idazlea eta saiolaria

KANTALDI LABURRA: Antton VALVERDE

Ondoren: AFARIA Ergoienako "Pago-errotan" PAKI tabernan jotetxean
21 euro, gorde ezazu zure aulkia:
Deitu 12a, osteguna baino lehen: 696534651
Bulegora: 943/285577

BABESLEAK. Gipuzkoako Foru Aldundia - Oñartzungo Udaletxea